

泉州話有陽上調（第6聲），此調漳州話和台語多變為陽去調（第7聲），此即閩南語「濁上歸去」之普遍現象。

### 三、因為歡喜

#### 首節 二調 十八飛花 四空管

in<sup>1</sup> ui<sup>7</sup> huann<sup>1</sup> hi<sup>2</sup> tsiah<sup>4</sup> er<sup>6</sup> pun<sup>1</sup> khui<sup>1</sup> tsir<sup>2</sup> sire<sup>3</sup> sir<sup>1</sup> niu<sup>5</sup> tsian<sup>3</sup> si<sup>6</sup> ui<sup>7</sup> tsui<sup>5</sup>?  
因為歡喜，即會分開。仔細思量，正是為誰？

it<sup>4</sup> tioh<sup>8</sup> giok<sup>8</sup> ah<sup>8</sup> tng<sup>5</sup> kuann<sup>1</sup> too<sup>1</sup> tshui<sup>3</sup> him<sup>7</sup> gua<sup>2</sup> tia<sup>1</sup> tia<sup>1</sup> sim<sup>1</sup> sing<sup>3</sup> lir<sup>5</sup> lui<sup>5</sup>，  
憶着玉匣，腸肝都碎。恨我爹爹心性如雷，

liah<sup>8</sup> guan<sup>2</sup> pah<sup>4</sup> puann<sup>1</sup> ling<sup>5</sup> ui<sup>5</sup> kau<sup>3</sup> tsi<sup>2</sup> ter<sup>3</sup> guan<sup>2</sup> tan<sup>7</sup> tit<sup>4</sup> tioh<sup>8</sup> thun<sup>1</sup> siann<sup>1</sup> lim<sup>2</sup>  
掠阮百般凌為，到只處，阮但得着吞聲忍

khui<sup>3</sup> thau<sup>1</sup> liah<sup>8</sup> bak<sup>8</sup> tsai<sup>2</sup> am<sup>3</sup> lau<sup>5</sup> lui<sup>7</sup> tsit<sup>8</sup> taiu<sup>5</sup> mia<sup>7</sup> tserng<sup>1</sup> sia<sup>1</sup> li<sup>5</sup> hiam<sup>2</sup> tsire<sup>3</sup> tsit<sup>8</sup>  
氣，偷掠目滓暗流淚，一條命爭些兒險做一

bo<sup>5</sup> tsing<sup>5</sup> kui<sup>2</sup> tann<sup>1</sup> iu<sup>7</sup> huan<sup>5</sup> lo<sup>2</sup> kun<sup>1</sup> sin<sup>1</sup> lau<sup>5</sup> loh<sup>8</sup> sin<sup>1</sup> bo<sup>5</sup> soo<sup>2</sup> kui<sup>1</sup> guan<sup>7</sup> tit<sup>4</sup>  
無情鬼。今又煩惱君身流落，身無所歸。願得

kun<sup>1</sup> sin<sup>1</sup> khir<sup>3</sup> au<sup>6</sup> kong<sup>1</sup> bing<sup>5</sup> tsa<sup>2</sup> tsa<sup>2</sup> sing<sup>5</sup> sui<sup>7</sup> iah<sup>8</sup> bian<sup>2</sup> tit<sup>4</sup> guan<sup>2</sup> tsi<sup>2</sup> sin<sup>5</sup> hun<sup>5</sup>  
君身去後，功名早早成遂，亦免得阮只神魂

per<sup>1</sup> khir<sup>3</sup> kang<sup>7</sup> kun<sup>1</sup> lin<sup>2</sup> sa<sup>1</sup> sui<sup>5</sup> pi<sup>7</sup> tsire<sup>3</sup> si<sup>6</sup> guan<sup>2</sup> un<sup>7</sup> soo<sup>3</sup> kai<sup>1</sup> tui<sup>7</sup> tsi<sup>2</sup> too<sup>1</sup>  
飛去共君恁相隨。便做是阮運數該墜，只都

si<sup>6</sup> guan<sup>2</sup> kam<sup>1</sup> sim<sup>1</sup> tioh<sup>8</sup> kun<sup>1</sup> lui<sup>7</sup> tann<sup>1</sup> bang<sup>7</sup> im<sup>1</sup> kong<sup>1</sup> lir<sup>2</sup> tshui<sup>1</sup> tshian<sup>1</sup> u<sup>6</sup> ling<sup>5</sup>  
是阮甘心着君累。今望陰光你推遷有靈

siann<sup>3</sup> poo<sup>2</sup> pi<sup>3</sup> hun<sup>5</sup> ing<sup>1</sup> loo<sup>7</sup> too<sup>5</sup> sin<sup>1</sup> siu<sup>6</sup> bok<sup>8</sup> tit<sup>4</sup> tian<sup>1</sup> gui<sup>5</sup> boh<sup>8</sup> liah<sup>8</sup> guan<sup>2</sup> tsin<sup>1</sup>  
聖，保庇雲英路途身受莫得顛危，莫掠阮真

tsing<sup>5</sup> sinn<sup>1</sup> ut<sup>4</sup> ik<sup>4</sup> khir<sup>3</sup> tsher<sup>7</sup> li<sup>5</sup> sai<sup>3</sup> tit<sup>4</sup> kinn<sup>3</sup> i<sup>1</sup> lang<sup>5</sup> tsit<sup>8</sup> bin<sup>7</sup> guan<sup>2</sup> hu<sup>1</sup> tshire<sup>1</sup>  
情生鬱抑。去尋兒婿，得見伊人一面，阮夫妻

i<sup>1</sup> kiu<sup>7</sup> tsai<sup>3</sup> tuann<sup>5</sup> inn<sup>5</sup> tsire<sup>3</sup> tsit<sup>8</sup> tui<sup>3</sup> khir<sup>3</sup> tsher<sup>7</sup> li<sup>5</sup> sai<sup>3</sup> tit<sup>4</sup> kinn<sup>3</sup> i<sup>1</sup> lang<sup>5</sup> tsit<sup>8</sup>  
依舊再團圓做一對；去尋兒婿，得見伊人一

bin<sup>7</sup> guan<sup>2</sup> hu<sup>1</sup> tshire<sup>1</sup> i<sup>1</sup> kiu<sup>7</sup> cai<sup>3</sup> lai<sup>5</sup> tuann<sup>5</sup> inn<sup>5</sup> tsire<sup>3</sup> tsit<sup>8</sup> tui<sup>3</sup>  
面，阮夫妻依舊再來團圓做一對。

#### 次節 長綿搭絮 四空管

tsir<sup>6</sup> kun<sup>1</sup> tshut<sup>4</sup> khir<sup>3</sup> si<sup>5</sup> lit<sup>8</sup> kire<sup>7</sup> ker<sup>3</sup> tshuinn<sup>1</sup> puann<sup>1</sup> khoo<sup>2</sup> thang<sup>3</sup> ban<sup>7</sup> iunn<sup>7</sup> khoo<sup>3</sup>  
自君出去，時日易過，千般苦痛，萬樣苦

tshireh<sup>4</sup> boh<sup>4</sup> kang<sup>7</sup> tsui<sup>5</sup> sirh<sup>4</sup> ti<sup>6</sup> si<sup>5</sup> er<sup>6</sup> tit<sup>4</sup> hun<sup>5</sup> khi<sup>1</sup> kinn<sup>3</sup> gerh<sup>8</sup> guan<sup>2</sup> tshu<sup>3</sup> ta<sup>1</sup>  
切，卜共誰說？值時會得雲開見月？阮厝乾

ke<sup>1</sup> ni<sup>5</sup> lau<sup>6</sup> mua<sup>2</sup> thau<sup>5</sup> peh<sup>8</sup> serh<sup>4</sup> tsir<sup>2</sup> sire<sup>3</sup> sir<sup>1</sup> niu<sup>5</sup> gua<sup>2</sup> tann<sup>1</sup> na<sup>7</sup> hirn<sup>7</sup> tshat<sup>8</sup> uan<sup>1</sup>  
家年老，滿頭白雪。仔細思量，我今那恨賊冤

ke<sup>1</sup> lir<sup>2</sup> khah<sup>4</sup> sim<sup>1</sup> hing<sup>7</sup> ter<sup>2</sup> na<sup>7</sup> hirn<sup>7</sup> tshat<sup>8</sup> uan<sup>1</sup> ke<sup>1</sup> lir<sup>2</sup> khah<sup>4</sup> sim<sup>1</sup> hing<sup>7</sup> ter<sup>2</sup>  
家你可心行短，那恨賊冤家你可心行短。